

LT.9112 / 7134

12

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

JUN 26 1933

~~5355~~



劔南詩彙目錄

卷第十七

初冬雜題

首六

閉戶

十月四日夜記夢

西路口山店

題海首座俠客像送

綽姪住菴吳興山中

首二

冬夜與溥菴主

說川食戲作

仗錫平老自成都回見訪

索怡雲堂詩

野飲

樊江觀梅山亭

觀梅

射的山觀梅

首二

別梅

憶梅

新晴午枕初起信筆 乙巳早春 小雨

南橋遇大風雨 春晚至山中因訪陳

道人小隱 春興 曾仲躬見過適遇

予出畱小詩而去次韻二絕 睡起 病

起 山居戲題 首二 芒種後經旬無日不

雨偶得長句 久雨喜晴十韻 盆池

月中過蜻蜓浦 六峰項里看采楊梅連

日畱山中 雨中自項里夜至新塘捨舟

步歸 首二 夜聽竹間雨聲 泛三江海浦

獨酌有懷南鄭 秋日泛鏡中憩千秋

觀 秋夕虹橋舟中偶賦 秋息 自嘲

豐年行 秋夜泊舟亭山下 初秋山

中作 秋夜讀書有感 晚涼登山亭

夜步 感秋 病中作 送猷講主赴李

明府姜山之招 雨中排悶 秋夜歌

病起鏡中見白髮此去七十無十寒暑矣

偶得長句

初寒宴坐

溪行二首

讀書

自嘲用前韻

病中久廢遊覽悵然有

感

新釀熟小飲

二首

題徐淵子環碧亭

亭有茶山曾先生詩

雜興三首

大雪

遣興 委轡

雪中作

夢筆驛

舟中

感懷絕句呈太傅相公兼簡岳大用郎中

三首

西興泊舟

錢清夜渡

夜歸

江

北莊取米到作飯香甚有感

感興

新

春 新年

遊鏡湖

初春晚晴

偶讀

山谷老境五十六翁之句作六十二翁吟

自開歲畧無三日晴戲作長句 置酒

梅花下作短歌

梅花已過聞東村一樹

盛開特往尋之慨然有感

思蜀

書憤

南窗擘黃柑獨酌有感

久雨驟晴山

園桃李爛熳獨海棠未甚開戲作

臨安

春雨初霽

延和殿退朝口號

二首

簡楊

庭秀 飲張公父園戲題扇上 夜泛西

湖示桑甥世昌 小舟過御園首二 自真

珠園泛舟至孤山 真珠園雨中作 還

家首二 初歸偶到近村戲書 題跨湖橋

下酒家 春遊至樊江戲示坐客 算春

天華寺前遇縣令過避之入寺僧皆晝

睡 偶得海鎔侑酒戲作 雨晴遊香山

春遊絕句 夜行玉筍樵風之間宿龍

瑞 聞傅氏莊紫笑花開急棹小舟觀之

遊法雲寺觀彝老新葺小園 鹹齏十

韻 長門怨 遣興 晨坐道室有感

晝臥 雨晴 宿石帆山下首二 小雨泛

鏡湖 小憩村舍 平水 初夏山中

雨後 雲門溪上獨步 雲門過何山

明覺院 自雲門至上竈欲遊一二僧菴

以雨不果 自上竈過陶山 四月初

夏閒居卽事 夜汲 排悶 初夏夜賦

新霽城南舟中夜興 泊舟二首 飲伯

山家因畱宿 夜泛蜻蜓浦 晨起看山

飲酒 枕上偶賦 自詠 題空壁四首

劍南詩彙目錄 卷十 七終

劍南詩彙卷第十七

哈佛大學漢和  
圖書館珍藏印

初冬雜題

勛業文章意已闌 算年不足是看山 江南寺寺  
樓堪倚 安得身如杜牧閑

又

莫嫌風雨作新寒 一樹青楓已半丹 身在范寬  
圖畫裏 小樓西角剩憑闌

又

風橫雲低雨脚斜一枝柔艣莫咿啞昏昏醉臥  
知何處推起船篷忽到家

又

五斗安能解醉醒曹騰睡眼怯窗明策勛賴有  
春芽在臥聽山童轉磴聲

又

荒郊寒雨晚淒淒四壁穿頽旋補泥物我元須  
各安穩自苦牛屋織雞棲

又

風雨聲豪入夢中不知身世寄孤蓬狐裘羶帽  
如龍馬天漢西南小孟東

閉戶

屏居無一事閉戶常經旬勿云艸舍陋愛此油  
窗新三日不作詩幽禽語撩人尺素雜行草往  
檄江梅春

十月四日夜記夢

劍南詩集 二  
四客聯轡來我醉久不知倒衣出迎客媿謝前  
致辭客意極疎豁大笑軒鬚眉禮豈爲我設度  
外以相期袞袞吐雄辯泠泠誦新詩笑言攜酒  
壺埽地臨前墀意氣相顧喜忽如少年時老雞  
不解事喚覺空嗟咨涉世四十年賢雋常追隨  
爾來風俗壞動脚墮險巖森然義府刀誰爲叔  
度陂起作四客篇捕影吾其癡

西路口山店

日薄霜清十月天馬蹄聲裏送流年店當古路

三叉處山似孤雲兩角邊

孤雲兩角  
在漢中

淹泊自悲

窮不醒衰殘更著病相纏榆關瀚海知何在目  
送飛鴻入暮煙

題海首座俠客像

趙魏胡塵千丈黃遺民膏血飽豺狼功名不遣  
斯人了無奈和戎白面郎

送綽姪住菴吳興山中



一盃淡粥不烹蔬

綽居山粥飯  
外菜亦不食

自占雲根結草

廬非佛非心猶坐斷定知不看夾山書

又

湖海相從十日畱頗哀老子鬢驚秋目光猶射  
車牛肯不用殷勤舉話頭

冬夜與溥菴主說川食戲作

唐安薏米白如玉漢嘉枏脯美勝肉大巢初生  
蟹螯正浴小巢漸老麥米熟龍鶴作羹香出釜木

魚滷菹子盈腹未論索麩與饋飯最愛紅糟并  
魚粥東來坐閱七寒暑未嘗舉箸忘吾蜀何時  
一飽與子同更煎土茗浮甘菊

仗錫平老自都城回見訪索怡雲堂詩

東華軟塵飛撲帽黃金絡馬人看好渠儂胸中  
誰得知畏禍憂讒鬢先老舉世輸與平元衡青  
山白雲過一生出門曳杖便千里白雲不約常  
同行敲門剝啄雲沒履劇談未竟還東去到山

分我一片雲併遣春風吹好句

野飲

青山千載老英雄濁酒三盃失阨窮訪古頽垣  
荒塹裏覓交屠狗賣漿中平堤漸放春蕪綠細  
浪遙翻夕照紅已把殘年付天地騎牛吹笛伴  
村童

樊江觀梅

莫笑山翁老據鞍探梅今夕到江干半灘流水

浸殘月一夜清霜催曉寒倚醉更教重秉燭怕

寒元自怯憑欄誰知攜客芳華日曾費纏頭錦

百端

成都合江園芳  
華樓下梅最盛

山亭觀梅

與梅歲歲有幽期忘却如今兩鬢絲  
藥淡月時和雪看斲蒼苔地帶花移先春瘦損應多恨  
靜夜香來更一奇醉倒欄邊君勿笑明朝紅萼綴  
空枝

射的山觀梅

射的山前雨墊巾籬邊初見一枝新  
照谿盡洗驕春意倚竹真成絕代人  
餐玉元知非火食化衣應笑走京塵  
卽今畫史無名手試把清詩當寫真

又

凌厲冰霜節愈堅人間乃有此癯仙  
坐收國士無雙價獨立東皇太一前  
此去幽尋應盡日向來別恨動經年  
花中竟是誰流輩欲許芳蘭恐未然

別梅

竹籬數掩傍魚磯萬點梅花掠地飛  
正喜巡簷來索笑已悲臨水送將歸  
影橫月處愁空絕子滿枝時事更非  
自古情鍾在吾輩尊前莫怪淚沾衣

憶梅

護惜常愁滿樹開  
況無一片在蒼苔  
眼高嬾爲  
凡花醉腸斷  
驚聞算角哀  
寫向素綃時  
拂拭移  
來幽圃  
自栽培  
論心竟是  
明年事  
輸與酴醿在  
酒盃

新晴午枕初起信筆

閉戶日陶然  
晴窗春已妍  
華胥夢中國  
龍漢劫  
初年浩浩塵  
揚海茫茫杵  
倚天何妨駕  
孤鶴小  
憩華山前

乙巳早春

故故啼鶯傍曲廊  
飛飛戲蝶度橫塘  
病來對酒  
心雖怯老去  
逢花眼尚狂  
牀擁琴書  
供枕簾  
通風月索  
平章一丘一壑  
從來事起就  
功名未  
苦忙

小雨

細細溼春光  
霏霏破夕陽  
臥聞驚倦枕  
起看入  
虛堂  
映葉鶯猶轉  
爭泥燕正忙  
閑愁無遣處  
誰

與共飛觴

南樵遇大風雨

歎息誰如造物雄  
故將意氣壓衰翁  
千群鐵馬雲屯野  
百尺金蛇電掣空  
身羨漁蓑鳴急雨  
心憐鴉陣困狂風  
世間變態誰能測  
歸路斜陽十里紅

春晚至山中因訪陳道人

一春衰病集殘骸  
太息流塵覆酒杯  
僧鉢始知尊菜老  
佛瓶初見杏花開  
蘋溪小雨成幽討  
松院斜陽又獨來  
不爲愛閑從野叟  
年來萬事學低摧

小隱

小隱在江干  
茆廬亦易安  
庖厨供白小  
籬落蔓黃團  
蹭蹬馮唐老  
飄零范叔寒  
世情從迫隘  
醉眼覺天寬

春興

萬事不關身，翛然一幅巾。雖非愛酒伴，猶是別

花人。

杜詩走覓南隣愛酒伴，白樂天紫薇花詩不別花人不與看。

領畧琴書

意掃空，車馬塵東阡，與南陌隨處夢殘春。

曾仲躬見過適遇予出畱小詩而去次韻

二首

地僻元無俗客來，蓬門只欲為君開。山橫翠黛

供詩本，麥卷黃雲足酒材。

又

數樹山花草舍東，想公繫馬落殘紅。那知老子

耶溪上，正泛朝南，算北風。

睡起

風約飛花滿曲廊，蕭然無客共焚香。瓮醅力重

初投枕，鼻鼾聲豪已撼牀。栩栩夢遊心自適，昏

昏起坐日方長。靜憑一几吾何恨，笑殺穿簾燕

子忙。

病起

山村病起帽圍寬  
春盡江南尚薄寒  
志士淒涼閑處老  
名花零落雨中看  
斷香漠漠便支枕  
芳草離離悔倚闌  
收拾吟牋停酒椀  
年來觸事動憂端

山居戲題

海山縹緲斲雲肩  
掃地焚香悅性靈  
嫩白半甌嘗日鑄  
硬黃一卷學蘭亭  
衰顏冉冉臨清鏡  
華髮蕭蕭倚素屏  
尊酒不空身見在  
莫爭天上少

微星

又

病起清羸不自持  
年光都上鬢邊絲  
昏昏雨細梅黃後  
漫漫秧青水滿時  
曲几方牀娛永日  
矮冠高屐駭羣兒  
客來莫笑狂顛甚  
此處那容世俗知

芒種後經旬無日不雨偶得長句

芒種初過雨及時  
紗厨睡起肉巾欹  
癡雲不散

常遮墦野水無聲自入池綠樹晚涼鳩語鬧  
畫梁晝寂燕歸遲閑身自喜渾無事衣履熏籠獨  
誦詩

久雨喜晴十韻

一雨二十日頽牆屋茆爛扶杖出門行四顧水  
瀰漫村迴鳩爭巢村昏雞失旦荒庭蛙龜豪空  
廡螢火亂蠹魚敗書編萍草黏戶半清風忽東  
來一剪雨脚斷天青日杲杲河白星燦燦車轍  
尋舊途船步出新岸稍喜泥潦乾破竈得炊爨  
賤貧固多憂長歌寄吾歎

盆池

人生何處不兒嬉一世元知孰是非汲井埋盆  
鑿苔破鼓針作釣得魚歸蕭蕭菰葉風聲細  
嫋嫋蘋花雨點稀竝舍老翁能喜事為添拳石象

苔磯 盆池初成隣人吳氏老送小石置池上

月中過蜻蜓浦



天光水色合爲一舟出西城猶落日一規忽見  
寒壁升萬頃坐歎溶銀溢哀哀姑惡訴何苦熠  
熠螢火光自失葦低時見小艇過水響遙知大  
魚出銅壺玉酒我徑醉短髮垂肩蓬不櫛緩篙  
溯月勿遽行坐待湘妃鼓瑶瑟

六峰項里看采楊梅連日畱山中

綠陰翳翳連山市丹實纍纍照路隅未愛滿盤  
堆火齊先驚探頷得驪珠斜簪寶髻看遊舫細  
織筠籠入上都醉裏自矜豪氣在欲禁風露摘  
千株

雨中自項里夜至新塘捨舟步歸

樺炬如椽點不明還家潦水與階平一盃濁酒  
頽然睡恍似金牛夜下程

又

天如漆黑泥沒踝老健猶能蹠蹕歸裊裊爐香  
支枕看終年只合掩柴扉

夜聽竹間雨聲

解醒不用酒聽雨神自清  
治疾不用藥聽雨體自輕  
我居萬竹間蕭瑟送此聲  
熱香倚蒲團袖手坐三更  
人苦不自覺忿慾投隙生  
起軟簷間雨更與此君盟

泛三江海浦

鼇負三山碧海秋龍驤萬斛放翁遊  
少舒我輩胸中氣一掃羣兒分外愁  
醉斬長鯨倚天劍笑凌駭浪濟川舟  
悠然高詠平生事齷齪寧能老故丘

獨酌有懷南鄭

憶從嶓冢涉南沮笳鼓聲酣醉膽麤  
投筆書生古來有從軍樂事世間無  
秋風逐虎花叱撥夜雪射熊金僕姑  
白首功名元未晚笑人四十歎頭顱

秋日泛鏡中憩千秋觀

病起重來理釣絲扁舟迨及素秋時舊交猶有  
青山在幽趣唯應白鳥知冉冉年光行老矣茫  
茫世路欲何之秦皇酒榼苔封遍虛負霜螯左  
手持

湖山之間有石  
號秦皇酒瓮

秋夕虹橋舟中偶賦

解纜初離小市門放篙衝破一谿雲露螢合散  
自成陣水鳥飛鳴如覓羣楓落荷疎秋漸老河  
傾斗轉夜將分書生老負功名志醉裏長歌強

一欣

秋思

一徑苔侵四壁空北窗支枕聽秋鐘故人去後  
登樓怯白髮多來覽鏡慵狂憶射麋窮楚澤閑  
息釣雪泛吳松相如病渴年來劇釀酒傾家畏  
不供

自嘲

窮途久矣歎吾衰雙鬢新添幾縷絲身是在家

狂道士心如退院病禪師極知勾漏求丹藥不  
及衡陽賣鹿籬習氣若為除未盡小軒風月又  
成詩

豐年行

秋風蕭蕭秋日薄築場穫稻方竭作志士雖懷  
晚歲悲農家自足豐年樂撥醅白酒喚隣曲啄  
黍黃雞初束縛長魚出網健欲飛新兔臥盤肥  
可睽躬耕辛苦四十年一飽豈非天所醉書生

識字亦聊爾莫作楊雄老投閣

秋夜泊舟亭山下

逢水逢山到處留可憐身世寄孤舟一汀蘋露  
漁村晚十里荷花野店秋羽檝未聞傳塞外金  
椎先報擊衙頭聞虜酋行帳為壯士所攻幾  
不免虜語為酋所在為衙頭煌  
煌太白高千丈那得功名取次休

初秋山中作

萬里西風吹幅巾即今真箇是閑人堆盤菱熟

燕脂肉藉藻鱸新淡墨鱗姥嶺蹇驢尋雪徑娥  
江孤艇繫煙津飄然樂事真當勉遠付十年無  
此身

秋夜讀書有感

久病畏長夏枕簟如炮焚扶持賴藥物俛仰秋  
已分清夜炷爐香裊裊起孤雲靈府豁蒙滯舊  
學資鉏耘言念總角初操觚極艱勤諸老頗賞  
識謂可與斯文沉痾幸鍼石輪困勞斧斤可憐  
四十年薄陋負所聞白首猶著書逝將獻吾君  
太官薦玉食野人徒美芹

晚涼登山亭

庭空葉飛秋村迴鳩喚雨新涼入巾褐老子顛  
欲舞憑高望稽山秀色溢天宇一鏡三百里水  
落分別浦淒涼吊禹穴秦漢未爲古世俗誰與  
歸吾其老農圃

夜步

市人莫笑雪蒙頭北陌南阡信脚遊風遞鐘聲  
雲外寺水搖燈影酒家樓鶴歸遼海逾千歲楓  
落吳江又一秋却掩船扉耿無寐半窗落月照  
清愁

感秋

秋堂露氣清蕭爽入毛骨葛裯耿無寐坐待山  
月沒溼螢飛不起熠熠依衰草勁風西北號落  
葉紛可埽老生憊歲月烈士志功名登臨送將  
去非復兒女情懸知青海邊殺氣橫千里良時  
不可失胡行速如鬼

時聞虜酋自香草淀  
入秋山蓋遠遁矣

病中作

一病二十日直愁難自還殘書不成讀長夜只  
供閑風舞迎霜葉雲昏欲雨山臨窗忽自笑詩  
息又相關

送猷講主赴李明府姜山之招

貫花籬帙壓車轅惟子窮探到本源聽法鬼神

環塵尾質疑英俊集龍門孤舟此日輕爲別尺  
素何時遠見存坐想文殊對摩詰高談無礙九  
河翻

雨中排悶

點點滴滴雨不晴暗暗淡淡燈不明皇天胡爲  
貸此老病臥垂困今已平却慙向者力量淺鼠  
肝蟲臂猶關情百年終歸朝露速一死正自秋  
毫輕明朝且作山中行青鞵已覺白雲生豐年

處處村酒好莫教湘湖蓴菜老

湘湖在蕭山  
縣蓴菜絕奇

秋夜歌

書生白首無處著病臥空堂夜蕭索茶鐺颼颼  
候湯熟燈檠菽菽看燼落山童喚起已復倒顧  
影自笑如孤鶴人言富貴墮駭機一生窮愁正  
不惡架上故裘破見肘牀頭殘酒傾到脚問君  
何以鑿霜風悠然臥聽山城角  
病起鏡中見白髮此去七十無十寒暑矣

偶得長句

短鬢蕭條失故青  
人間真似宿郵亭  
正令寬作十年夢  
安用更畱三日醒  
覆瓿書成空自苦  
擊轅歌罷遣誰聽  
客來若覓衰翁處  
睡起悠然倚素屏

初寒宴坐

微火如螢度篆盤  
明窗坐敗幾蒲團  
羣兒誰信老懷懶  
萬事不禁醒眼看  
道在簞瓢端自足  
心閑天地本來寬  
此生自斷君知否  
不辦歸裝也

掛冠

溪行

霜落水初澄  
星繁月未升  
近村聞夜犬  
隔浦見秋燈  
多病乃如許  
微寒已不勝  
平生隣曲意  
移棹避漁罾

又

疎鐘度莽蒼  
遠火耿微茫  
歲暮水歸壑  
夜寒天



霄霜人生一蟲臂世路幾竿腸老大忘繩檢狂  
歌盡意長

讀書

遠遯江湖上端居風雨中紙新窗正白爐煖火  
通紅籤褰方重整聲形且細窮扶衰倘未死更  
破十年功

自嘲用前韻

殘年過六十寂寞臥山中病眼驚新暗衰顏失  
舊紅人譏作詩瘦自憫著書窮輸與封侯骨雲  
臺競策功

病中久廢遊覽悵然有感

裘馬清狂徧兩川十年身是地行仙歸來訪舊  
半爲鬼已矣此生休問天不恨盃觴無藉在但  
悲山水曠周旋垂虹風月休如昨安得青錢買  
釣船

新釀熟小飲

玉船歛歛酌鵝黃菊欲殘時抵死香似與幽人  
爲醉地清笳聲裏一天霜

又

籬菊猶堪采落英一尊玉瀝釀初成今宵要向  
中庭飲不展華茵展月明

題徐淵子環碧亭亭有茶山曾先生詩

茶山丈人厭囂譁幅巾每訪博士家小亭談笑  
不知算往往城上聞吹笳興來傑作粲珠璧歲

久妙墨亡龍蛇郎君弟子多白髮回頭日月如  
犇車徐卿赤城古仙子十年四海推才華覽觀  
陳迹喜不寐旋補罅漏支傾斜曲池還浸古來  
月藪莽忽見當時花重題舊句照高棟力振風  
雅排淫哇席間紵袍已散鵠堂上講鼓初停撾  
速宜力置竹葉酒不用更瀹桃花茶

桃花茶見曾公詩

雜興

鰻井初生一縷雲鮑郎山下雨昏昏艣聲嘔軋

秋空曉水際人家尚閉門

又

孤夢初回揭短篷橋邊曉日已曛曨太平氣象  
君知否盡在豐年笑語中

又

古寺高樓算倚闌野雲不散白漫漫好山遮盡  
君無恨且作滄溟萬里看

大雪

大雪江南見未曾今年方始是嚴凝巧穿簾罅  
如相覓重壓林梢欲不勝羶幄擲盧忘夜睡金  
羈立馬怯晨興此生自笑功名晚空想黃河徹  
底冰

遣興

書生不自憐老眼付皇天已飽三升糶寧堆百  
屋錢紅塵忙過日青嶂醉論年名字元虛幻從  
人謗是仙

委轡

委轡去悠悠山窮得渡頭白雲生碧巘翠木擁  
朱樓野榼淵明酒征塵季子裘自憐詩興在杜  
若滿芳洲

雪中作

竹折松僵鳥雀愁閉門我亦擁貂裘已忘作賦  
遊梁苑但憶銜枚入蔡州屬國餐鹽真強項翰  
林煮茗自風流明朝日暖君須記更看青鸞玉

半溲

夢筆驛

朱扉水際亭白塢道邊寺扁舟幾往返每過輒  
獻歛經秋病不死歲暮復至少年自喧譁此  
老獨顛顛可憐釣鰲客終返屠羊肆吾身行亦  
無榮辱安所寄短燈照孤愁寒衾推殘醉剛當  
臨大江一灑壯士淚

舟中感懷三絕句呈太傅相公兼簡岳大

用郎中

浪中鞢鞞雨聲寒孤夢初回燭半殘甲子一周  
胡未滅關山還帶淚痕看

又

雨打孤篷酒漸消昏燈與我共無聊功名本是  
無憑事不及寒江日兩潮

又

夢筆亭邊擁鼻吟壯圖蹭蹬老侵尋不眠數盡

雞三唱自笑當年起舞心

西興泊舟

衰髮不勝白寸心殊未降避風畱水市岸幘倚  
船窗日上金鎔海潮來雪捲江登臨數竒觀未  
易敵吾邦

錢清夜渡

輕舟夜絕江天濶星磊磊地勢下東南壯哉水  
所匯月出半天赤轉盼離巨海清暉流玉宇艸

木盡光彩男子志功名徒死不容悔坐思黃河  
上橫戈被重鎧晚途雖益困此志顧常在一日  
天勝人醜虜安足醢

夜歸

晡時披袍離西興錢清夜渡見月升浮橋沽酒  
市嘈噴江口過埭牛凌兢寒壘煮麩坐茆店小  
鮮僕饌尋魚膾偶逢估客問姓字歡笑便足爲  
一朋須臾一飽各散去帆席健快如超騰雲間  
戍樓鼓坎坎山尾佛塢燈層層夜分到家趨篋  
火釋子驚起頭鬢髻道途辛苦未暇說一尊且  
復驅嚴凝

江北莊取米到作飯香甚有感

我筭從戎清渭側散關嵯峨下臨賊鐵衣上馬  
蹴堅冰有時三日不火食山蕎畬粟雜沙礫黑  
黍黃床如土色飛霜掠面寒壓指一寸赤心惟  
報國卽今歸臥稽山下眼昏臂弱衰境逼新杭

炊飯香出甑風殮澗飲何曾識我豈農家志飽  
煖閉戶惟息事耕織征遼詔下倘可期盾鼻猶  
堪試殘墨

感興

築室真須待伯夷起墳仍合近嬰離藥來賊境  
靈何用米出胡奴死不炊下石紛紛驚俗薄絕  
絃寂寂嘆吾衰一尊且作尋春計又見東風浩  
蕩時

新春

濛濛煙雨暗江干新歲還勝故歲寒酒壓濁清  
鳴社瓮菜分紅綠簇春盤良辰節物元如昨病  
客情懷自鮮歡却羨村鄰機上女隔籬相喚祭

蠶官

新年

寄迹人間夢已長新年脫帽始微霜坐中使氣  
如秦俠陌上行歌類楚狂掃榻欲招貧與語杜

門聊以醉為鄉稽山剡曲雖堪樂終憶初連古  
戰場

遊鏡湖

禹祠柳未黃剡曲水已白魴鱖來洋洋鳧雁去  
拍拍皇天亦大度能容此狂客挂席乘長風未  
覺湖海迤讀書五十年自笑安所獲管人精微  
意豈獨在簡冊驥空萬馬羣裘非一狐腋超然

登玉笥及此煙月夕

玉笥峯在  
會稽山南

初春晚晴

雪盡冰消斂積威參差碧瓦帶斜暉土膏漸釋  
人東作天氣初和雁北歸小閣金船嘗臘酒華  
堂銀燭製春衣關心雖有尋梅夢冷蕊幽香事

已非

自占歲多風雪  
屢廢觀梅之集

偶讀山谷老境五十六翁之句作六十二

翁吟

三百里湖水接天六十二翁身刺船飯足便休



慵念祿丹成不服怕登仙胸中浩浩了無物世  
上紛紛徒可憐但有青錢沽白酒猶堪醉倒落  
梅前

自開歲畧無三日晴戲作長句

新年暗曠覺春慳變化相禁一瞬間雨脚稍收

初見日風花忽起又遮山

風欲作則大霧充塞謂之風花

欲行

幽圃還成阻未脫重裘自笑孱桃李會開君勿  
恨清尊且用破衰顏

置酒梅花下作短歌

歲月不貸人綠髮成華顛此生幾兩屐念之每  
悽然我本塵外客已絕區中緣惟當及未死勤  
醉梅花前瘦影寫微月疎枝橫夕煙偃蹇巖壑  
間欲與松忘年豈亦薄世俗忽逐天風翩吾詩  
不徒歌持配湘娥弦

梅花已過聞東村一樹盛開特往尋之慨  
然有感

春晚城南十里陂，亭亭獨立見奇姿。  
品流不落松竹後，懷抱惟應風月知。  
旋拂亂雲成小佇，重攜芳榼卜幽期。  
佳人空谷從來事，莫恨桃花笑背時。

息蜀

老子饞堪笑，珍盤憶少城。  
流匙抄薏飯，加糝啜巢羹。  
相美傾筠籠，茶香出土鐺。  
西郊有舊隱，何日返柴荆。

書憤

早歲那知世事艱，中原北望氣如山。  
樓船夜雪瓜洲渡，鐵馬秋風大散關。  
塞上長城空自許，鏡中衰鬢已先斑。  
出師一表真名世，千載誰堪伯仲間。

南窗擘黃柑獨酌有感

放翁潦倒鬢成絲，也把花前酒一卮。  
何限人間堪恨事，黃柑丹荔不同時。

久雨驟晴山園桃李爛熳獨海棠未甚開  
戲作

雨霽風和日漸長小園尊酒當年光直令桃李  
能言語何似多情睡海棠

臨安春雨初霽

世味年來薄似紗誰令騎馬客京華小樓一夜  
聽春雨深巷明朝賣杏花矮紙斜行閑作草晴  
窗細乳戲分茶素衣莫起風塵嘆猶及清曠可

到家

延和殿退朝口號

雨餘未肯放朝暎穿仗恭承聖主恩清蹕傳聲

徐御殿

立庭中頃之奏姓名上乃自東廂出御座

紫衣引拜許龍門

徘徊漫結堯階戀零落難招楚澤魂歸去猶堪  
誇里巷桐江新賜兩朱轡

又

十年短櫂樂滄波強著朝衫棄釣蓑才薄何堪

試馮翊恩深猶許對延和空牆煙柳遙迎馬輦  
路春泥欲濺鞞莫恨此身衰病去同時朝士久  
無多

簡楊庭秀

袞袞過白日悠悠良自欺未成千古事易滿百  
年期黃卷閑多味紅塵老不宜相逢又輕別此  
恨定誰知

飲張功父園戲題扇上

寒食清明數日中西園春事又匆匆梅花自避  
新桃李不爲高樓一笛風

夜泛西湖示桑甥世昌

嗟我客上都忽已見暮春騎馬出闔門眯眼吹  
紅塵西湖商賈區山僧多市人誰令污泉石只  
合加冠巾黃冠更可憎狀與屠沽鄰勦勦酒肉  
氣吾輩何由親少須一闋散境寂鷗自馴舉手  
邀素月移舟采青蘋鍾從南山來殷殷浮煙津

鶴髮隱者歟長樂收釣緡畏冷不竟夕恨此老  
病身明發復擾擾吾詩其絕麟

小舟過御園

聖主憂民罷露臺春風別苑画常開盡除曼衍  
魚龍戲不禁芻蕘雉兔來水鳥避人橫翠靄宮  
花經雨委蒼苔殘年自喜身強健又作清都夢  
一回

又

水殿西頭起砌臺綠楊開處杏花开簫韶本與  
人同樂羽衛纔聞歲一來鷓首波生涵藻荇金  
鋪雨後上莓苔遠臣侍宴應無日目斷堯雲到  
晚回

自眞珠園泛舟至孤山

呼船徑截鴨頭波岸幘閑登瑪瑙坡弦管未嫌  
驚鷺起塵埃無奈汚花何宦情不到漁蓑底詩  
興偏於野寺多明日一藤龍井去誰知伴我醉

行歌

真珠園雨中作

清晨得小雨憑閣意欣然一掃羣兒迹稍稀遊  
女舩煙波蘸山腳溼翠到闌邊坐誦空濛句予  
懷玉局仙

還家

富貴元須早致身白頭豈復市朝人數聲鴨鳴  
呼殘夢一架醪醑送晚春壘嶂出雲明客眼澄  
江漲雨濯京塵逢人枉道哦詩瘦下語今年尚  
未親

又

天津橋上醉騎驢一錦囊詩一束書作客況當  
多病後還家已過算春初泥深村巷人誰顧草  
滿園畦手自鉏不爲衰遲息屏迹此心元向利  
名疎

初歸偶到近村戲書

雨過一村暗風回百草香刺船過古埭倚杖立  
新塘醉覺乾坤大閑知日月長莫歸詩滿卷雖  
老尚能狂

題跨湖橋下酒家

湖水綠於染野花紅欲燃春當三月半狂勝十  
年前小店開新酒平橋上画船翩翩幸強健不  
必愧華顛

春遊至樊江戲示坐客

江頭蕭蕭春色暮柳陰遊魚飽飛絮  
美如玉點鼓絲蕤滑縈筋銀鞍烏帽尋春客朱  
戶青旗沽酒處浮生細看纔幾時一笑自應忘  
百慮綠盃到手不肯盡寶帶照地身何與醪醑  
爛熳我欲狂茗芋還家君勿遽

莫春

顛顛都門白髮新歸來一振客衣塵啼鴛妒夢  
頻催曉飛絮鍾情獨殿春湖上風光猶淡沲尊

前懷抱頗清真詩成絕恨知心少自寫吳牋寄  
故人

天華寺前遇縣令過避之入寺僧皆晝睡  
墮絮飛花掠釣船天華寺下賞春妍縣多官府  
鳴騶過僧少叢林避客眠出網長魚猶鱖鱖爭  
泥新燕欲翩翩典衣剗買旗亭醉已過旗亭六  
十年

偶得海鎔侑酒戲作

判無神藥斷清冥放筯那憎海物腥滿貯醇醪  
漬黃甲密封小瓮餉紅丁從來一飽忘南北此  
去千鍾任醉醒添雪更知憑茗椀山童敲臼隔  
窗聽

雨晴遊香山

雨打醮醮夜未拆一晴柳岸先飄雪我搖畫楫  
鏡湖中碧水青天兩奇絕長歌縹緲雲不動橫  
笛清悲竹將裂悠然起舞影零亂卓爾四顧心



激烈好山可隱輕捨去故人已貴長乖隔肺渴  
生塵防酒與眼暈成花作書厄平生所期無一  
遂獨有曠快相除折夜歸燈火開湖邊淡淡西  
南一鈎月

春遊絕句

一百五日春郊行三十六溪春水生千秋觀裏  
逢急雨射的峯前看晚晴

自秦望山而北合三十六溪水爲若耶溪

夜行玉笥樵風之間宿龍瑞

野店谿橋供晚餉吟邊醉裏弄春風馬行缺月  
黃昏後鍾下亂山空翠中名宦不辭成寂寂歲  
時惟恨去怱怱頗聞禹穴遺書在安得高人與  
細窮

聞傅氏莊紫笑花開急棹小舟觀之

日長無奈清愁處醉裏來尋紫笑香漫道閑人  
無一事逢春也似蜜蜂忙

遊法雲寺觀彝老新葺小園

古寺朱扉傍水開高僧笑語共徘徊陰陰曲徑  
人稀到一一名花手自栽竹筧引泉滋藥壠風  
爐篝火試茶盃此行自喜非生客二百年間六

世來

五世祖太保公  
捨園地建寺

鹹齏十韻

九月十月屋瓦霜家人共畏畦蔬黃小甕大甕  
盛滌濯青菘綠韭謹蓄藏天氣初寒手訣妙吳  
鹽正白山泉香挾書旁觀穉子喜洗刀竭作厨  
人忙園丁無事臥曝日棄葉狼籍堆空廊泥爲  
緘封糠作火守護不敢非時嘗人生各自有貴  
賤百花开時促高宴劉伶病醒相如渴長魚大  
肉何由薦凍齏此際價千金不數狐泉槐葉麩  
摩挲便腹一欣然作歌聊續冰壺傳

長門怨

未央宮中花月夕歌舞稱觴天咫尺從來所恃  
獨君王一日讒興誰爲直咫尺之天今萬里空

在長安一城裏春風時送簫韶聲獨掩羅巾淚  
如洗淚如洗今天不知此生再見應無期不如  
南粵匈奴使航海梯山有到時

遣興

莫羨朝回帶萬釘吾曹要可草堂靈風來弱柳  
搖官綠雲破奇峯湧帝青聽盡啼鶯春欲去驚  
回夢蝶醉初醒從教俗眼憎疎放行矣桐江醉  
客星

晨坐道室有感

一鉢青精便有餘世間萬事總成疎手揮絃上  
烏棲曲口誦巖間鳥跡書丹氣初升勤沐浴芝  
房未熟飽耘鋤碧霄騰舉人人事莫戀污渠與  
臭帑

晝臥

忽忽見春盡徂年那更還香生帳裏霧書積枕  
邊山凌厲心猶壯沈縣氣已孱千秋有管葛看

鏡汗吾顏

雨晴

久雨作我病今朝身頓輕花房避初旭簾影弄  
新晴漉酒綸巾折聽琴拄杖橫翛然又終日未  
覺負平生

宿石帆山下

卷地東風吹釣船石帆重到又經年放翁夜半  
酒初解落月啣山聞杜鵑

又

繫船禹廟醉如泥投宿漁家月向低溼翠撲人  
濃可掬始知身在石帆西

小雨泛鏡湖

吾州清絕冠三吳天寫雲山萬幅圖龍化廟梁  
飛白雨鶴收仙箭下青蕪菱歌嫋嫋遙相畚煙  
樹昏昏淡欲無端辨一船多貯酒敢辭送老向

南湖

鏡湖一  
名南湖

小憩村舍

藤梢維艇子煙際覓人家小婦簪新麥羣童摘  
晚茶溪雲易成雨崖樹少開花聊寄平生快靑  
鞵到若耶

平水

水悍溪橋敗沙頽野徑移年華入詩卷心事付  
筇枝雨霽鶉鳩喜春歸鷓鴣知客庖消底物麥  
飯薦蕪絲

初夏山中

又報東皇促駕歸醉中闕賦送春詩佛餅是處  
見紅藥僧榻有時聞子規野客欵門聊倒屣谿  
潭照影一軒眉年光佳處惟初夏兒女紛紛詎  
得知

雨後

礎潤還成雨雲收旋作晴巖花分日發林筍逐  
番生筆硯行常具軒窗晚更明塵埃幸不到那

得廢詩情

雲門溪上獨步

山路聯翩十日陰  
晚晴剡喜得幽尋  
殘紅猶有數枝在  
漲綠真成一倍深  
泉響珮環鳴閭窅  
月明珠璧散疎林  
歸來寂寞鐘初動  
羞向孤燈說壯心

雲門過何山

漠漠稻滿陂濛濛  
雨霑衣林花落更  
新碛鳥止復飛我  
作山中行十日未  
擬歸思酒過野店  
念茶叩僧扉眠枕  
松下石適意無訶  
譏心廣體自舒泰  
然不肉肥念管在  
官塗萬事與願違  
逢人無一欣對食  
或累欬低回三十  
年竟不飽蕨薇空  
將書五車自誑腹  
十圍餘日猶幾何  
可復貪塵鞿賸拾  
柏子香閉門觀昨  
非

明覺院

細路蟠青壁層軒倚碧空  
天香下塵世僧梵起

雲中藤絡將頽石松號不斷風尤憐扶杖處直  
下數飛鴻

自雲門至上竈欲遊一二僧菴以雨不果  
道遠晨炊米風和晝減衣花殘孔官廟苔滿葛  
仙磯剝欲尋僧話先判秉炬歸山昏又成雨心  
事固多違

自上竈過陶山

宿雨初收見夕陽縱橫流水入陂塘蠶家忌客  
門門閉茶戶僕官處處忙綠樹村邊停醉帽紫  
藤架底倚胡床不因蕭散遺塵事那覺人間白  
日長

四月

四月江南暑尚微虛堂初換葛衣時嬾陪陌上  
雍容騎且對窗間臍膊綦糝徑落花猶片片拂  
雲新竹已離離年來病肺疎盃酌應接風光賴  
有詩

初夏閑居卽事

門巷蕭蕭日正長  
方床曲几傲羲皇  
輕風忽起揚花開  
清露初晞藥草香  
對奕兩奩飛黑白  
讎書千卷雜朱黃  
穿簾語燕能從我  
分爾湖邊一夏涼

夜汲

酒渴起夜汲  
月白天正青  
銅瓶響寒泉  
聞之心自醒  
井邊雙梧桐  
映月影離離  
上有獨棲鵲  
細爪握高枝  
我欲画團扇  
良工不可求  
三歎拊庭楯  
浩然風露秋

排悶

老去知心少  
流塵鎖斷絃  
尊空問字酒  
囊罄作碑錢  
掃葉供朝爨  
和泥補漏船  
胸中元浩浩  
白眼望青天

初夏夜賦

好景入新夏  
幽人臥弊廬  
廊腰得風遠  
樹罅見



星疎門掩鴉棲後鐘鳴月上初青燈尚堪近起  
了讀殘書

新霽城南舟中夜興

身是江湖不繫船雨餘隨處一條然浮雲盡斂  
出青嶂孤月徐升行碧天收網漁歌移別浦隔  
城堦影落前川明朝閑就平洲飲巾履追涼又  
一年

泊舟

蘸岸煙波樣畫船幅巾蕭散餞流年兩行楊柳  
吹晴雪只著啼鶯未著蟬

又

湖水無風鏡面平巉巖倒影萬峰青放翁眼界  
便疎豁過盡蘆村泊蓼汀

飲伯山家因畱宿

小醉悠然不作醒斷雲飛盡却成晴月生檐外  
見簾影風下城頭聞角聲岸幘莎庭便髮冷酌

泉桐井覺魂清雞號忽報明星上夢破虛皇白  
玉京

夜泛蜻蜓浦

四顧水無際三更月未生偶成搖楫去不減御  
風行煙浦漁歌斷蘆洲鬼火明還家人已睡小  
立叩柴荆

晨起看山飲酒

愛山入骨髓嗜酒在膏肓跌宕風煙外歌呼麩

藥傍虛窗天柱曉

書堂正見天柱峯

小瓮橐泉香

家釀今年

試用岐下橐泉麩法

垂老叨微祿無

忙

枕上偶賦

初夏暑猶薄紗幮怯夜深孤螢入窗罅斜月下  
牆陰靜養觀書眼窮悲濟世心吾衰亦久矣徂  
歲苦駸駸

自詠

射的山前一老樵此生何敢辱旌招繆緣學道

肱三折不遇知音尾半焦去蠹區區慙啄木附  
高燁燁鄙凌霄但令窮死心無媿也勝鳴珂事  
早朝

題空壁

二十餘年此結茆園公谿父日論交風翻半浦  
亂荷背雨放一林新笋梢隔葉晚鶯啼谷口  
花雛鴨聚塘坳出門行罷還無事偕得丹經手  
自抄

又

四顧茫茫水接天幽居真箇似乘船月窗竹影  
連棲鵲露井桐聲帶斷蟬甘寢每憎茶作祟清  
狂直以酒爲仙形骸那得常羈束六十年來又  
二年

又

解艦爲家一老翁陽狂羞與俗人同夢回菱曲  
漁歌裏身寄蘋洲蓼浦中斷簡塵埃存治道高

丘草棘閉英雄旗亭村酒何勞醉聊豁平生芥  
帶胸

又

稽山千載翠依然著我山前一釣船瓜蔓水平  
芳草岸魚鱗雲襯夕陽天出從父老觀秧馬歸  
伴兒童放紙鳶君看此翁閑適處不應便謂世  
無仙

劔南詩彙卷第十七

劔南詩彙目錄

卷第十八

丙午五月大雨五日不止鏡湖渺然想見

湖未廢時有感而賦 遊鄞 泊上虞縣

發丈亭

二首

明州

水亭獨酌十二韻

坐客有談狄魚眼眶之美者感嘆而作  
衰病不復能劇飲而多不見察戲作此

詩 或以予辭酒爲過復作長句 行路

難 千峯榭宴坐 喜雨首二 五鼓 官

居戲詠首三 倦眼 拜旦表 早自烏龍

廟歸 上下 新秋 殘年 休日行郡

圃 登北榭 小酌 焚香作墨審決訟

吏皆退立一丈外戲作此詩 絲中閒詠

秋夜聞雨 自詠 秋懷 不寐 醉

中戲作 頻夜夢至南鄭小益之間慨然

感懷首二 夜雨枕上 雨夜 安流亭俟

客不至獨坐成詠 秋興首二 燕堂獨坐

意象殊憤憤起登子城作此詩 秋雨北

榭作 次韻王給事見寄 病中夜半

卽事 歲晚懷故人 焉耆行首二 丙午

初冬得心腹痛疾大下而愈羸耗不支方

在告臥燕堂東偏聞民間前一夕被盜者

慨然有感 因王給事回使奉寄 病告

中遇風雪作長歌排悶 冬夜戲作 夜

坐首二遣興登紫翠樓丙午十月十

三夜夢過一大冢傍人爲余言此荆軻墓

也按地志荆軻墓蓋在關中感歎賦詩

病起小飲冬夜讀書夜坐觀小兒作

擬毛詩欣然有賦郡丞偶書首三燈下

閱吏牘有感過放生池追懷江公民表

諫議池蓋公所創也園中絕句首二戲

作縱筆首三病中偶得名酒小醉作此

篇是夕極寒晨讀道書後園獨步有

懷張季長正字老將效唐人體書憤

晨起雪歲晚書懷晨過天慶

冬夜比得朋舊書多索近詩戲作長句

休日感興病中偶書寒夜雪中

獨酌送夕新晴出城立春日送

客郊外大雪自夜至旦欲午始晴雪

夜有感雪中忽起從戎之興戲作首四

十二月二十七日祭風師歸道中作 春

晴 丁未正月春色已粲然露坐高風堂

北觀種花 燕堂春夜 早春池上作

感興 東竺偶書 丁未上元月色達曉

如晝予竺居屬貳車領客 自郊外歸北

望譙樓 馬上 還舍 杏花 兩京

贈表弟江叅議 讀書 夜登千峯榭

旬日公事頗簡喜而有賦 聞鼓角感懷

社日小飲首二 簪日 新晴 倚闌

寄徑山印禪師 園中婦戲作 春曉東

郊送客 算春嘆 曉雨首二 登千峯榭

晚春園中作 北窗 浮生 小壘

大閱後一日作假 自嘲 曉出東城

初夏遇休日園中閒賦 小雨出西門五

里至東嶽廟 初夏燕堂睡起 晡後領

客僅見燭而罷戲作短歌 讀宛陵先生

詩 書歎

劍南詩彙目錄 卷十 八終

劍南詩彙卷第十八

丙午五月大雨五日不止鏡湖渺然想見  
湖未廢時有感而賦

朝雨暮雨梅正黃城南積潦入車箱鏡湖無復  
鍼青秧直浸山脚白茫茫湖三百里漢訖唐千  
載未嘗廢陂防屹如長城限胡羗嗇夫有秩走  
且僵早有灌注水何傷越民歲歲常豐穰泆湖  
誰始謀不臧使我婦子饜糟糠陵遷谷變亦何



常會有妙手開湖光蒲魚自足被四方煙艇滿  
日菱歌長

遊鄞

晚雨初收旋作晴買舟訪舊海邊城高帆斜挂  
夕陽色急艣不聞人語聲掠水翻翻沙鷺過供  
厨片片雪鱗剛山川不與人俱老更幾東來了  
此生

泊上虞縣

鄞江久不到棹與偶東遊漲水崩沙岸歸雲抱  
縣樓吟餘聲混混梳罷髮颼颼喜見時平象新  
絲入市稠

發丈亭

一作長亭

姚江棹潮潮始生長亭却趁落潮行參差隣舫  
一時發臥聽滿江柔艣聲

又

玄雲垂天暗如漆艣聲嘔軋知船行南風忽起

卷雲去江月已作金盆傾

明州

豐年滿路笑歌聲蠶麥俱收穀價平村步有船  
街尾泊江橋無柱架空橫海東估客初登岸雲  
北山僧遠入城仗錫平老出山來迎予風物可人吾欲住  
檐頭蕪菜正堪烹

水亭獨酌十二韻

清風埽鬱蒸爽氣生戶牖客中淡無事翛然一

盃酒書生拙自料事業期不朽少年忝朝跡躋  
躋今白首歷觀千載事和戎固嘗有定襄伍原  
間乃可畫地守神州在何許東巡已去久煌煌  
一統業謨訓其可負太祖嘗書大宋一統字以賜王溥荆楚多

劍客宣潤富弩手孰能用其長坐使老農畝講  
武幸長楊勞軍臨細柳中興望聖時未死得見  
否

坐客有談狄魚眼眶之美者感嘆而作

黃雀頭顱羞五鼎狄魚眼眶叅雋永兩螯何臯  
蟹喪軀一變可憐牛斷領霜刀斫膾幾許痛公  
子方誇醉魂醒物生怖歿與我均礎几流丹只  
俄頃哀哉堂堂七尺身正坐舌端成業境豪華  
只可誇僕妾報應那知類形影世間擾擾何時  
了一念超然差若穎不妨瓦鉢飽晚菘夏汲山  
泉試春茗

衰病不復能劇飲而多不見察戲作此詩

平生不持面看人寧作五湖雲水身忍窮閉門  
豈自苦是中有味敵八珍酒盃歛灑鼓吹作我  
自悲吒人自樂更闌坐睡不得去如鷹在韉虎  
遭縛丈夫歡樂自有時遇酒先怯非予衰萬騎  
擊胡青海岸此時意氣令君看

或以予辭酒爲過復作長句

陸生酒戶如蠡迤痛酒豈能堪大白正緣一快  
敗萬事往往吐茵仍墮幘爾來人情甚不美似

欲殺我以麩藥滿傾不許計性命傍睨更復騰  
頰舌醉時狂呼不復覺醒後追思空自責卽今  
願與交舊約三爵甫過當亟徹解衣摩腹午窗  
明茶磴無聲看霏雪

行路難

平生結交無十人與君契合懷抱真春遊有時  
馬忘秣夜話不覺雞報晨極知貧賤別離苦  
日有懷就誰語人無根柢似浮萍未死相逢在  
何許道邊日斜泣相持旗亭取醉不須辭君貴  
堂厨萬錢食我勸一盃應不得

千峯榭宴坐

蒼寒千疊擁官居吏退憑高樂有餘盡日煙雲  
窮變化入秋草木漸凋疎朱弦靜按新傳譜黃  
卷閑披累譯書聊與邦人共無事吾僚不用笑

迂疎

喜雨

勢掠郊原飛急雪聲搖窗戶過奔雷坐知多稼  
連雲熟不獨新涼傍枕來

又

浙瀝簷聲枕上聞攬衣起坐對爐熏萬家歌舞  
豐年樂未費烏龍一綫雲

五鼓

樓堞鬱鬱鼓簾櫳煜煜燈浪名隨牒吏實似打  
包僧衰病元難強疎慵每自憎誰知戍邊日秋

野正呼鷹

官居戲詠

萬里飄然似斷蓬桐廬江上又秋風判餘牘尾  
棲鴉溼衙退庭中立雁空燈火市樓知酒賤歌  
呼村路覺年豐誰言病守無歡意也與他人一  
笑同

又

說著功名卽自羞算年世味轉悠悠一庭落葉

楸梧老萬里悲風鼓角秋懷綬不為明日計登樓且散異鄉愁漁舟大似非凡子能揀溪山勝

處畱

是日書所見

又

城頭閑倚一枝藤病起清羸不自勝衙鼓有期催晚坐條鈴無賴喚晨興愛書習氣嗟猶在寡過工夫愧未能寂寞已無臺省夢諸公衮衮自飛騰

倦眼

看書澀似上羊腸得睡甘如飲蜜房起坐藤床搔短髮數聲画角報斜陽

拜旦表

一封馳奏效嵩呼清蹕何時返故都只道建炎巡狩禮誰知故事自祥符

早自烏龍廟歸

殘漏聲中聽曳鈴翩翩吹帽出郊坰雨餘澗落

雙虹白雲合山餘一髮青鐵馬蹴水悲昨夢朱  
顏辭鏡感頽齡歸來獨對空坐冷鳥迹蒼苔自  
滿庭

上丁

燎火明中庭老槐泣殘雨白頭奉祀事恐懼劇  
仰俯三終樂在懸再拜肉升俎誰言千載後恍  
若到鄒魯吾國雖褊小大社胙茆土如何儼章  
綬日夜臨筮楚藏書如丘山及物無一羽吾其  
可憐哉去去老農圃

新秋

打窗落葉報秋期病叟頽然兩鬢絲縱酒已無  
年少夢讀書仍負夜涼時問囚損氣嗟誰念學  
道剗心恐已遲買鶴清溪歸計足寄聲先遣故  
人知

殘年

殘年迫鍾漏病骨怯風霜投憤早當去強顏徒

自傷文符紛似雨訟訴進如牆笑殺滄浪客微  
官有許忙

休日行郡圃

南山如黛照朱扉地接官居到亦稀寒蝶徘徊  
掠衰草孤花閃淡弄斜暉荒城歌舞難娛客休  
日文書且解圍猶勝去年窮巷底臥聞砧杵念  
秋衣

登北榭

遶城山作翠濤傾底事文書日有程無溷我爲  
揮吏散獨登樓去看雲生香浮鼻觀煎茶熟喜  
動眉間煉句成莫笑衰翁淡生活它年猶得配

玄英

方干有千  
峯榭詩

小酌

簾外桐疎見露蟬一壺聊醉嫩寒天團臍磊落  
吳江蟹縮項輪囷漢水鱖此兩物近  
頗登盤投老宦遊

真漫爾平生懷抱固超然文書縛急何由耐會



向長安市上眠

焚香作墨瀋決訟吏皆退立一丈外戲作

此詩

客鬢新添幾縷絲山城且付一官癡空濛碧靄

籠香岫近得一石穴達於背出香如雲靄靄玄雲起墨池判牒

不妨閑作草坐衙聊得細哦詩吏民莫怪秋來

健漸近南山射虎時

空閑詠

風號萬物作濤聲雲截千峯似几平多病支離

仍老境算秋蕭瑟更山城燕觴久罷塵痕積庭

訟全稀蘚暈生莫道空中日無事焚香埽地又

詩成

秋夜聞雨

香斷燈昏小幌深不堪病裏值秋霖驚回萬里

關河夢滴碎孤臣犬馬心清似釣舩聞急瀨悲

於靜院聽繁砧玉峯老去情懷惡穩受千莖雪

鬢侵

韓致光詩云不知短髮能多少一滴秋霖白一莖

自詠

鈍似窗間十月蠅淡如世外一孤僧心勞撫字  
雖亡補筆判虛空却麓能厭見文書街客袖但  
思蔬水曲吾肱何時却宿雲門寺靜聽霜鐘對  
佛燈

秋懷

少時本願守墳墓讀書射獵畢此生斷蓬遇風  
不自覺偶入戎幙從西征朝看十萬閱武罷算  
馳三百巡邊行馬蹏度隴霄聲急士甲照日波  
光明興懷徒寄廣武歎薄福不挂雲臺名領鬚  
白盡愈落莫始讀法律親笞榜訟氓滿庭鬧如  
市吏牘圍坐高于城未嫌樵唱作野哭最怕甜  
酒傾稀餉平生養氣頗自許雖老尚可吞司并  
何時擁馬橫戈去聊爲君王護北平

不寐

金百言集 十一  
閏年九月已重裘說著功名卽自羞病骨不禁  
霜氣峭高風正送雁聲適半盃濁酒如欺老一  
點青燈欲訴愁不寐裁詩真習氣輸它睡足向

黃州

醉中戲作

當年買酒醉新豐豪士相期意氣中  
插羽軍書立談辦如山鐵騎一麾空  
玉關久付清宵夢笠澤今成白髮翁  
堪笑燈前如意舞尙將老健壓

諸公

頻夜夢至南鄭小益之間慨然感懷

身似菴居老病僧罷參不復繫行滕  
夢中忽枉三泉驛庭樹鳴臬鬼弄燈

又

客枕夢遊何處所梁州西北上危臺  
雪雲不隔平安火一點遙從駱谷來

夜雨枕上

秋雨不肯晴秋夜不肯明寸心集百憂厭此點  
滴聲歲月不貸人老病忽至此丈夫本憂世兒  
女乃畏死

雨夜

蒼雲晝埋山白雨夜溢渠虛堂閃風燈獨處誰  
與娛吾生過六十鬢髮日夜疎出當飲美酒歸  
當讀奇書可憐兩不遂兀兀如枯株明復對胥  
吏孤憤何由攄

安流亭侯客不至獨坐成詠

憶昔西征鬢未霜拾遺陳迹吊微茫蜀江春水  
千帆落禹廟空山百草香馬影斜陽經劍閣艣  
聲清曉下瞿唐酒徒雲散無消息水榭憑欄淚  
數行

秋興

楸槐雨霎霎鳧雁水拍拍曉行城南路落葉滿  
阡陌新霜上衰鬢吾歿亦已迫那將有限身常

作未歸客長吟側紗帽萬里一秋色世俗不足  
論天豈無皁白

又

朝先鳴雞興夕殿棲鷓還符檄積几案寢飯於  
其間榜笞督租賦涉筆駢我顏忽忽過白日胡  
能慰惓鰥葉脫橫林疎髮鬢溪南山豈無一盃  
酒吾事何時閑

燕堂獨坐意象殊憤憤起登子城作此詩

睡魔困衰翁白日坐兀兀忽然振衣起目瞭尚  
如鷗憑高望中原佳氣未消歇逆賊稽大刑痛  
憤深至骨新霜下昌陵草有胡馬齧羽林百萬  
士何日聞北伐賤臣官有守不敢叫行闕夢中  
涉黃河太行高硯砢天河未洗兵封豕食上國  
坐令河洛間百郡暗荆棘夷吾非王佐尚足救  
左衽中原消息斷吾輩何安寢世俗苦齷齪誰  
與莫此功安知無奇士悲歌燕市中

秋雨北榭作

秋風吹雨到江濱  
小閣疎簾曉色分  
津吏報增三尺水  
山僧歸入萬重雲  
飄零露井無桐葉  
斷續煙汀有雁羣  
了却文書早尋睡  
檐聲偏愛枕間聞

次韻王給事見寄

大手方司一世文  
癯儒何敢望餘塵  
誰知天上黃扉貴  
肯記江邊白髮新  
末路愈窮詩有祟  
舊書渾忘筆無神  
床頭周易尊中酒  
猶賴渠儂不負人

病中夜半

蕭蕭欲脫猶吟葉  
耿耿微明未滅燈  
夜半不眠閑倚壁  
使君清似北山僧

卽事

組繡紛紛街女工  
詩家於此欲途窮  
語君白日飛昇法  
正在焚香聽雨中

歲晚懷故人

衰髯白盡無添處病骨癯然欲折時客抱琴來  
聊滄茗吏封印去又哦詩山橫城上勢如壓角  
動樓頭聲正悲零落斷鴻書不到歲殘何以慰  
相思

馬耆行

馬耆山頭暮煙紫牛羊聲斷行人止平沙風急  
捲寒蓬天似穹廬月如水大胡太息小胡悲投

鞍欲眠且復起漢家詔用李輕車萬丈戰雲來  
壓壘

又

馬耆山下春雪晴莽莽惟有蒺藜生射麋食肉  
飲其血五穀自古惟聞名樵蘇切莫近亭障將  
軍臥護真長城十年牛馬向南睡知是中原今  
太平

丙午初冬得心腹痛疾大下而愈羸耗不

支方在告臥燕堂東偏聞民間前一夕被盜者慨然有感

惓惓四壁空宛宛一室與雨聲靜更聞雨氣深不到下簾設紙屏篝火支藥竈勿言此幽陋足以養衰耗頗聞閭里間比夕多狗盜游徼無乃闕鰥寡將孰告家貧未決去祿食當念報臥病疇敢安起立擲吾帽

因王給事回使奉寄

雨昏郡郭連三日吏報江流忽數回

江每漲津吏輒報日

或二匹至

正歎船如天上坐那知人自日邊來臂弓

腰箭身今老航海梯山運已開漢虜不應常自

守期公決策画雲臺

病告中遇風雪作長歌排悶

風雪橫街不能出閉戶垂帷養衰疾黃昏臥聽打窗聲聊挽清寒入詩律公孫布被久有味子敬青氈煖無匹石鼎閑烹似爪茶霜皺旋破如



拳栗蹲鴟足火微點鹽甕粟熬湯旋添蜜龍蛇  
齏齏寒筍束子母累累丹柿實玉狸試說涎已  
墮石芥纔嘗酒如失天公付汝亦已厚飽食長  
謠抱雙膝丈夫豈爲口腹計壯志常恐無時畢  
伐胡疏奏端許前腰領敢辭膏斧鑕

冬夜戲作

賤貧百年愁老大萬事倦起家來牧民竊語笑  
丞掾拘攣拙徵科儉陋省遊宴不患返江湖乃  
爾辱畿甸斯言中吾病有覩在其面行當自効  
去暫寓等郵傳十月夜正長歲事到冰霰膏油  
幸可具夏盡書一卷

夜坐

曲几蒲團夜過分頽然半脫鹿皮巾驚鴻避弋  
鳴煙渚斷角凌風上雪雲仕宦愈知林下貴窮  
愁方策酒中勛扁舟東去何時辦管向金丹幸  
有聞

又

山城意象自蕭然況是高竽作雪天漸暗玉蟲  
寒有燼欲殘金鴨煖無煙衰容病後如添歲遙  
夜冬來抵過年安得龍綃三丈幅爲君試寫白  
雲篇

遣興

圖書雞犬共扁舟又續人間汗漫遊醉眼本輕  
千古事釣竿新賜一灘秋慣看浮世成陵谷莫  
露神光上斗牛老病豈堪常作客夢尋歸路傍  
西疇

登紫翠樓

水落溪聲壯天寒山色奇殘雲宿虛閣馴鷺下  
清池簿領消豪氣功名負聖時憑高不勝嘆神  
武迫歸期

丙午十月十三夜夢過一大冢傍人爲余  
言此荆軻墓也按地志荆軻墓蓋在關中

感歎賦詩

采藥遊名山物外富真賞秋關策蹇驢雪峽蕩  
孤漿還鄉忽十載高興寄遐想夢行河潼間初  
日照仙掌坡陀荆棘冢狐兔伏秦莽悲歌易水  
寒千古見精爽國讎久不復驚覺泚吾顙何時  
真過茲薄醅神所饗

病起小飲

病起新霜滿鬢蓬憑高一笑與誰同酒如淥靜  
春江水人有鴻荒太古風野寺鐘來夕陽外寒  
山空插亂雲中一官正爾妨人樂只合滄浪狎  
釣翁

冬夜讀書

莫笑燈檠二尺餘老來舊學要耘鉏寒生點滴  
三更雨喜動縱橫萬卷書本著儒冠那免此可  
因吏牘頓拋渠善和舊賜今猶在剡采芸香辟  
蠹魚

夜坐觀小兒作擬毛詩欣然有賦

北風城頭鼓統統徂歲崢嶸正多感老夫假寐  
角巾低穉子高吟兩髦髻衰遲笑我藏袖手狂  
率憐渠滿軀瞻旋炊粉饘裏青箬新爍錫枝綴  
紅糝未言問事漸瀾翻且賞揮毫能果敢嗟予  
疇管如汝年萬卷縱橫恣窺覽卽今見汝尚懽  
欣此癖真同嗜昌歎夜闌我困兒亦歸獨與狸  
奴分坐聽

郡坐偶書

白首奉魚書蕭然一事無吏閑晨已散人醉莫  
相扶卷野收禾黍連江下舳艫山城君勿謂東  
北是皇都

又

翠嶺當城起清江擘硤流軻峨商客編嘈噴酒  
家樓豐歲人元樂殘年我獨愁秦吳環萬里感  
繫故貂裘

又

江墮清笳月霜嚴畫戟門灘聲寒夏壯山氣旦  
常昏搖落悲徂歲羈遊憶故園無勞空竊食何  
以報君恩

燈下閱吏牘有感

老眼今年太負渠義經魯史頓成疎一為柱後  
惠文吏厭讀司空城旦書正苦雁行須束縛不  
言鼠輩合誅鉏致君堯舜元無術黃卷何辭飽

蠹魚

過放生池追懷江公民表諫議池蓋公所  
創也

釣臺先生諫大夫建中初元起江湖是是非非  
玉座側身可死徙志不渝煙汀月島二十載白  
髮短舫藏菰蒲晚蒙湔洗得一障上奏猶自稱

麓疎

公廣濟到任表云不能軟  
熟終是麓疎其不撓如此

此公造處直奇

特竺乾先生分半席九州看如掌中果天不遣

為吁可憐徑歸歛手築陂池也活龜魚論萬億  
骨冷桐山喚不聞停車悵望春波碧

園中絕句

梅花重壓帽簷偏曳杖行歌意欲仙後五百年  
君記取斷無人似放翁顛

又

溪北溪南飛白鷗夕陽明處見漁舟憑誰為剪  
機中素画取天涯一片秋

戲作

浙西諸郡惟嚴無職租

歸臥元知作餓夫官遊依舊是癯儒免教妻子  
爭杭秣秋稼連雲一稜無

縱筆

閑經月下白蘋洲半脫風前紫綺裘曾值東風  
謁鸞駕却因南渡看龍舟年光已付瞢騰醉天  
宇誰從汗漫遊莫怪又成橫笛去故人期我玉

華樓

玉華樓在青城山丈人觀

又

東都宮闕鬱嵯峨，忍聽胡兒敕勒歌。  
雲隔江淮翔翠鳳，露霑荆棘沒銅駝。  
丹心自笑依然在，白髮將如老去何。  
安得鐵衣三萬騎，爲君王取舊山河。

又

行省當年駐隴頭，腐儒隨牒亦西遊。  
千艘衝雪魚關曉，萬竈連雲駱谷秋。  
天道難知胡更熾，神州未復士堪羞。  
會須瀝血書封事，請報天家九世讎。

病中偶得名酒小醉作此篇是夕極寒

一壺花露拆黃滕，醉夢酣酣喚不應。  
屏煖半銷香鴨火，窗寒初結研蟾冰。  
詩囊羞澀悲才盡，藥裹縱橫覺病增。  
早掛朝衣歸去是，貴人誰記接茵憑。

晨讀道書

家貧悔嗜酒年邁思學道雖云善補過見事恨  
不早儒生守章句忽忽遂將老巖間得奇書足  
以慰華皓丹液下注臍黃雲上通腦海山行當  
歸白髮何足埽

後園獨步有懷張季長正字

斯世元知少賞音道存何恨死山林半生去國  
風埃面一片憂時鐵石心閑看斷雲成小立偶  
穿修竹得幽尋故人已到梁州未尺紙東來抵

萬金

老將效唐人體

寶劔夜長鳴金瘕老未平指弓誇野戰抵掌說  
番情已矣黑山戍悵然青史名和親不用武教  
子作儒生

書憤

清汴逶迤貫舊京宮牆春草幾番生剖心莫寫  
孤臣憤抉眼終看此虜平天地固將容小醜犬



羊自慣瀆齊盟蓬窗老抱橫行略未敢隨人說  
弭兵

晨起

衣潤熏籠煖燈殘漏箭長鳴雞帶窗月立馬怯  
庭霜病骨陰晴覺官身早夜忙火城那復夢愁  
絕軟塵香

雪

但苦奇寒惱病翁豈知上瑞報年豐一庭不埽  
待新月萬壑盡平號斷鴻繭紙欲書先研凍羽  
觴纔舉已尊空若耶溪上梅千樹欠我今年繫  
短篷

歲晚書懷

早見龍翔上太清

紹興末游  
官玉牒所

卽今孤宦老山城

靈丹不解換凡骨薄命枉教生太平積雪樓臺  
增壯觀近春鳥雀有和聲如山吏牘何時了惆  
悵西窗晚照明

晨過天慶

蘿月挂團壁松風號急灘孤燈經院曉殘雪醮  
壇寒賸欲閑扶杖何妨醉墮冠詩成興不盡萬  
里跨青鸞

冬夜

翩翩殘曆不滿紙坎坎疊鼓無停撾香殘未消  
古鼎火燈暗尙結寒缸花長安故人日已遠錦  
江小築天之涯拘攣動覺吏有責幽獨更似僧  
無家臥聞沙雁叫空濶想見雪谷森豁訝起提  
一筆埽足紙入卷颯颯犇龍蛇

比得朋舊書多索近詩戲作長句

庭下訟訴如堵牆案上文書海茫茫酒酸肉冷  
不得嘗椎牀大叫欲發狂故人書來索文章豈  
知吏責終歲忙寒龜但欲事縮藏病驥敢望重  
騰驤日曛稍退鳧鷺行小山敲竹堂東廂呼兒  
深炷銅爐香楚騷爲我被不祥

休日感興

宦海風波實飽經  
久將人世寄郵亭  
家無釵澤窮馮衍  
身著襦裙老管寧  
藥圃按行新蔓綠  
書樓徙倚暮山青  
偶然得句悲誰屬  
零落交朋比曉星

病中偶書

燈火青熒古屋深  
挂冠境界已駸駸  
竹枝影瘦橫殘月  
藥杵聲寒續暮砧  
病覺死生真大事  
老知道德愧初心  
經龕禪版殊當勉  
嬾學莎蛩事苦吟

寒夜

脫葉爭辭木  
寒雲巧護霜  
羈遊少驩樂  
短景極匆忙  
吟苦蟲催織  
鳴哀雁斷行  
幽懷誰晤語  
惆悵此燈光

雪中獨酌

金尊玉瀝有何好  
不堪生世匆匆老  
朱顏忽已

謝晨鏡白骨行看閉秋草駭浪嗟峨風作之蛟  
龍血人以為嬉畏塗寄命三十載賴有痛飲紆  
吾悲莫驚醉眼炯如電假鉞猶堪行督戰指麾  
突騎取遼陽雪灑轅門夜傳箭

送客

長亭柳漸柔送客當閑遊江近聞津鼓雲開見  
戍樓簿書來衮衮歲月去悠悠閉眼尋歸路春  
蕪滿故疇

新晴

宿雨解殘雪新春侵故年和風拆冰罅淡日弄  
窗妍心事綠尊裏歲華烏帽邊今朝我病減隨  
處一欣然

出城

翩翻烏帽出林垆掠面風微酒半醒戍火難尋  
玉關夢衣塵空愧草堂靈天晴山雪明城郭水  
漲江流近驛亭客鬢不如堤上柳數枝春動又

青青

立春日送客郊外

短鬢那禁歲月催勝邊花底又春回  
雪消漸煥青鴛日冰解初橫玉鑑梅  
江驛軒窗臨古道市樓絃管賣新醅  
自憐病守無歡意一笑常因送客來

大雪自夜至旦欲午始晴

薄暮雪雲低清宵氣慘悽方聽打窗急已報與  
階齊疎箔穿飛蝶空庭聚戲猊新晴思訪客愁  
絕滿城泥

雪夜有感

狂膽輪囷欲滿軀一麾誰憫滯江湖  
青衫曾奏三千牘白首猶思丈二笈  
龍虎翔空瞻王氣犬羊度漠避天誅  
何時冒雪趨行殿香案前頭進陣圖

雪中忽起從戎之興戲作

狐裘臥載錦駝車  
酒醒冰髭結亂珠  
三尺馬鞭裝白玉  
雪中畫字草軍書

又

鐵馬渡河風破肉  
雲梯攻壘雪平壕  
獸奔鳥散何勞逐  
直斬單于鬣寶刀

又

十萬貔貅出羽林  
橫空殺氣結層陰  
桑乾沙土初飛雪  
未到幽州一丈深

又

羣胡束手仗天亡  
棄甲縱橫滿戰場  
雪上急追犇馬迹  
官軍夜半入遼陽

十二月二十七日祭風師歸道中作

虎豹生憎上九關  
諸公衮衮遂難攀  
面顏已老塵埃裏  
精力虛捐簿領間  
束帶敢言趨玉陛  
橫戈猶憶戍天山  
新春自笑摧頽甚  
鼓吹東風拜昨還

春晴

南陌爭牛事已非，綵山又近放燈期。  
風和已染柳千縷，山冷未開茶一旗。  
酒病況當人別後，春光偏在雪晴時。  
道傍笑我清狂在，馬上看山細詠詩。

丁未正月春色已粲然，露坐高風堂北觀。  
種花

苦寒不解歲崢嶸，病守兀坐憂疲氓。  
天風誰遣撼斗柄，便覺春色來江城。  
北山賽廟見殘雪，東津送客聞新鶯。  
衣裘漸減體殊健，簾幙乍捲眼爲明。  
今朝天氣更佳絕，淡日微漏雲徐行。  
我移胡床坐庭下，幅巾半脫筇枝橫。  
散關旌旗掃昨夢，少城絲竹真前生。  
數株桃杏亦漫種，未去與汝聊逢迎。

燕堂春夜

南樓統統下疎更，一點紗籠滿院明。  
映月疎梅

入簾影讀書穉子隔窗聲呻吟藥裹身寧久汎  
掃胡塵意未平草檄北征今二紀山城仍是老

書生

游嘗爲丞相陳魯公史魏公樞相張  
魏公草中原及西夏書檄於都堂

早春池上作

疎嬾元當與世辭殘年況近乞身期一官空作  
讀書崇丘斗不供沽酒資米拆野塘初灑灑雪  
殘芳草已離離物華似有平生舊不待招呼盡

入詩

感興

文章天所祕賦予均功名吾嘗考在咎頗見造  
物情離堆太史公青蓮老先生悲鳴伏櫪驥躓  
蹬失水鯨飽以五車讀勞以萬里行險難外脩  
嘗憤鬱中不平山川與風俗雜錯而交并邦家  
志忠孝人鬼叅幽明感慨發奇節涵養出正聲  
故其所述作浩浩河流傾豈惟配詩書自足齊  
燄經我衰敢議此長歌涕縱橫



東竺偶書

華髮蕭蕭不滿簪強扶衰病著朝衫寒廳靜似  
阿蘭若佳客少于優鉢曇詩酒放懷窮亦樂文

羊罵老難堪棄官若遂飄然計不死揚州死

劍南

顧況詩云人生只合揚州死而余嘗有歸蜀之意

丁未上元月色達曉如晝予竺居屬貳車

須客

此夕幾年無此晴碧天萬里月徐行官壚賣酒

傾千斛市里行歌徹五夏潼酪獨烹僧鉢美璫

璃閑照佛龕明頽然坐睡君無笑寶馬香車事

隔生

自郊外歸北望譙樓

天上何年墮翠蚪屈蟠爪尾護吾州重門雨細

旌旗溼危堞風高鼓角適漠漠川雲昏佛塢涓

涓野水入農疇曠懷不耐微官縛擬脫朝衫換

釣舟

馬上作

平橋小陌雨初收  
淡日穿雲翠靄浮  
楊柳不遮春色斷  
一枝紅杏出牆頭

還舍

賸欲銜盃樂太平  
新愁還續舊愁生  
出門始覺春來早  
處處簾櫳笑語聲

杏花

江城開歲風雨頻  
閉閣不出俄經旬  
忽逢國豔帶卯酒  
坐覺天地無餘春  
芳敷正當晨露重  
盛麗欲擅年華新  
數株欹斜傍山驛  
一簇深淺臨煙津  
徘徊跋馬不忍去  
只恐飄墮隨車塵  
念當載酒醉花下  
破曉啼鶯先喚人

兩京

兩京煙柳厭胡塵  
又見淳熙十四春  
薄命遭回猶許國  
孤忠懇款欲忘身  
蘇君落魄黃金盡  
褚令悲傷白髮新  
曾向延和隨仗入  
至今殿檻夢

嶙峋

贈表弟江叅議

襄州參議真豪傑，熟視華途懶著鞭。  
 奪得鸞篋花裏活，皎如玉樹酒中仙。  
 才高狗監無人薦，句好雞林有客傳。  
江弟今居四明老去眼邊親舊少，津亭少爲繫歸船。

讀書

束髮論交一世豪，莫年顛顛困蓬蒿。  
 文辭博士

書驢券職事參軍判馬曹，病裏猶須看周易。  
 醉中亦復讀離騷，若爲可奈功名念。  
 試覓并州快剪刀。

夜登千峯榭

夷甫諸人骨作塵，至今黃屋尚東巡。  
 度兵大峴非無策，收泣新亭要有人。  
 薄醜不澆冑壘塊，壯圖空負膽輪囷。  
 危樓插斗山，銜月徙倚長歌一愴神。

旬日公事頗簡喜而有賦

社近樓臺晝已長豐年頗減簿書忙雨催樹綠  
吹簫陌日射塵紅擊鞠場農事漸興初浸種吏  
衙早退獨焚香晚來別有歡然處檢教兒書又

一箱

杜牧之寄小侄阿宜詩云  
一日讀十紙一月讀一箱

聞鼓角感懷

鼓坎坎角鳴鳴四鼓欲盡五鼓初老眼不寐如  
鰥魚撫枕起坐涕泗濡平生空讀萬卷書白首

不識承明廬時多通材臣腐儒妄懷孤忠策則  
疎欲剖丹心奏公車論罪萬死尚有餘雷霆願  
復寬須臾許臣指陳輿地圖億萬遺民望來蘇  
藝祖有命行天誅皇明如日詎敢誣拜手乞賜  
丈二及中原煙塵一掃除龍舟泝汴還東都

社日小飲

催花初過社公雨對酒喜烹溪友魚儘道亂山  
窮絕處年華未覺異吾廬

又

社雨霏霏溼杏花農家分喜到州家蒼鵝戲處塘初滿黃犢歸時日欲斜

答日

答日從戎日身由許國輕陣如新月偃箭作餓

鷓鳴墜壁臨關守連營竝渭畔至今悲義士書

帛報番情

予在興元日長安將吏以申狀至宣撫司皆蠟彈方四五寸絹虜中動息

報必具

新晴

雨斷歸雲急沙乾步履輕風花嬌作態野水細

無聲社酒家家醉春蕪處處耕今朝公事少一

笑賦新晴

倚欄

閑岸紗巾小倚欄吳中三月尚春寒蜂脾蜜滿

花初過燕觜泥新雨未乾老厭簿書息屏迹病

逢節物強追歡一樽又動流年感城上斜陽画

角殘

寄徑山印禪師

市朝聲利戰方酣  
眼看紛紛每不堪  
但有客誇車九九  
了無人問衆三三  
會當身返東西蜀  
要與公分上下菴

趙州有上菴菴  
主下菴菴主語

春枕悠然夢何

許兩枝筇杖喚魚潭

喚魚潭在眉山中巖  
客至撫掌魚輒群出

園中歸戲作

醉裏來尋澗上花  
已飄殘雪散餘霞  
麴生也解欺人老  
風伯無端妬物華  
不恨童心伴蜂蝶  
但愁病眼厭風沙  
歸來隱几東窗下  
一卷黃庭送日斜

春曉東郊送客

雨餘氣清潤  
迨我送客時  
翻翻車蓋風  
五里城東陂  
初旭斂花房  
晨露流桐枝  
南山卷溼翠  
更覺光景奇  
澄潭集魚艇  
村路亞酒旗  
欲歸且復畱  
造物成吾詩

算春嘆

春深桃李爭時節，千團紅雲萬堆雪。  
東風一夜吹欲空，曲徑平池爛如纈。  
城門獵獵雙青旗，羲和促轡西南馳。  
中原未有澄清日，志士虛捐少壯時。

曉雨

平明小雨壓香塵，遶舍扶疎綠漸勻。  
睡過花時慵著句，老來春事不關身。

又

東風吹雨送殘春，冉冉年光次第新。  
君看枝頭如許綠，爭教桃李不成塵。

登千峯榭

飛觀危欄縹緲中，聊將醉眼送歸鴻。  
一生未售屠龍技，萬里猶思汗馬功。  
王衍諸人寧足責，姜維豎子自應窮。  
他年吊古憑高處，想見清伊照碧嵩。

晚春園中作

少逢春歸未解悲，千篇曾賦傷春詩。可堪霜點鬢鬚後，更值綠暗園林時。楊花輕墮簷外影，杏子重壓闌邊枝。毬塲立馬漏聲靜，綺窗語燕簷陰移。向來春事渺何許，長空鳥跡何由追。鞦韆未拆已寥寞，日暮東風吹綵旗。

北窗

小雨霏霏旋作晴，北窗清潤綠陰成。却緣政拙文書少，臥聽簾櫳燕子聲。

浮生

浮生過六十，百念已頽然。獨有耽書癖，猶同總角年。橫陳糲飯側，朗誦短檠前。不用嘲癡絕，兒曹尚可傳。

小壘

小壘荒寒外，高坐寂寞中。貧妨挂冠快，病減讀書功。橋斷春江白，雲穿夕照紅。悠然扶杖處，歲



月嘆恩恩

大閱後一日作假

小院鈎簾埽落花公餘蕭散似山家  
下巖紫壁臨章草正焙蒼龍試貢茶  
塞上遠遊心尚壯車中深閉髮先華  
老來日月真堪惜愁聽高城咽  
算笳

自朝

貪祿忘歸祗自羞一窗且復送悠悠  
鏡明不爲人藏老酒薄難供客散愁  
正得虛名真画餅元非大器愧函牛  
年來事業知君否高束詩書學問囚

曉出東城

聽徹清笳聽曉鐘據鞍漏鼓尙蓁蓁  
西樓落日徑三尺北嶺亂雲生半峰  
蒼磴幽尋過古寺綠疇小駐勞春農  
煙村已遠猶回首恐有鷓鴣與伏龍

初夏遇休日園中閑賦

青山圍女牆細草滿球場  
虛簷搖水影曲檻吹蘋香  
房櫳寂無人雙燕說曉涼  
賜休無公事蕭散寄一床  
久苦吏役拘更知閑味長  
桑空繭終簇陂滿稻吐秧  
良時動人懷東望一慨慷  
寧當戀微祿如鼠死太倉

小雨出西門五里至東嶽廟

埋沒文書每自憐  
偷閑出郭一欣然  
稻陂雨細

豐年候槐陌風清嫩暑天心似春鴻  
寧久住身如秋扇合長捐平生士雅今亡恙  
老病何由笑著鞭

初夏燕堂睡起

歌鳳平生類楚狂  
山城遲莫得深藏  
洗春雨過清陰合掠水風生  
綠藻涼晨几硯凹  
涵墨色午窗盃面聚茶香  
功名到手渾閑事  
此興他年未易忘

晡後領客僅見燭而罷戲作短歌

忍睡出坐衙扶病起觴客本來世味薄况復酒  
戶迤譚諄時強語崑昂已頽憤燒燭不盈寸歸  
臥弄書冊我來未穫稻客裏今食麥悵望稽山  
雲飛去無六翮

讀宛陵先生詩

歐尹追還六籍醇先生詩律擅雄渾導河積石  
源流正維嶽崧高氣象尊玉磬濛濛非俗好霜

松鬱鬱有春溫向來不導無譏評敢保諸人未  
及門

書歎

人生如春蠶作繭自纏裹一朝眉羽成鑽破亦  
在我少年不自珍妄念然烈火眼亂舞腰輕心  
醉笑齒嗟餘齡幸早悟世味無一可但憶喚山  
僧煎茶陳餅果

